

瑯琊山志

澤遠閣署

卷二



瑯琊山志卷之五

古詩集

集會景編

罔卿嶺南李覺斯訂輯

門人孟光昭編次

五言古

秋景詣瑯琊精舍

韋應物

唐人

屢訪塵外跡未窮幽賞情高秋天景遠始見山水清  
上陟巖殿憩暮看雲壑平蒼茫寒色起迢遞晚鐘鳴  
意有清夜戀身爲符守嬰慎言緇衣子瀟灑中林行

遊瑯琊山寺

前人

受命恤人隱茲遊久未遑鳴騶響幽澗前旌輝崇岡  
青冥臺砌寒綠縟草木香填壑躋花界疊石構雲房  
經製隨岩轉繚繞豈定方新泉泄陰壁高蘿蔭綠塘  
攀林一棲止飲水得清涼物累誠可遣疲忙終未忘  
還歸坐郡閣但見山蒼蒼

同元錫題瑯琊寺

前人

適從郡邑喧又茲三伏熱山中清景多石罅寒泉潔  
花香天界事松竹人間別殿分嵐嶺明磴臨懸壑絕  
昏旭窮陟降幽顯盡披閱欽駭風雨區寒知龍蛇穴  
情虛澹泊生境寂塵妄滅經世豈非道無爲厭車轍

示粲禪師

前人

心絕去來緣跡順人間事  
朝尋芳草徑夜宿寒山寺  
今日郡齋閒思問楞伽字

遊瑯琊山

歐陽修

宋人

南山一尺雪雪盡山蒼然  
澗谷深自暖梅花應已繁  
使君厭騎從車馬留山前行  
歌招叟野共步青林間  
長松得高蔭盤石堪醉眠  
止樂聽山鳥攜琴寫幽泉  
愛之欲忘返但苦世俗牽  
歸時始覺遠明月高山巔

遊瑯琊山

曾鞏

宋人

飛花冷積雪南山路崔嵬  
長淮水未綠深塢花已開

遠聞山中泉隱若冰谷摧初誰愛蒼翠排空結樓臺  
轡轡架梁棟輝輝刻瓊瑰先生鸞鳳姿未免燕雀猜  
飛鳴失其所徘徊此山隈萬事於人身九州一浮埃  
所要在道德不愧丘與回先生若二子誰能計垠崖  
所懷雖未寫所適在歡咍爲語幕下士殷勤羞甕醅

望瑯琊有懷

儲 罐

泰州人

林嚶送寂歷野淥明潺湲蕭蕭雲日冷更覺春山間  
坡陀潏迴互四合如連環何人留妙語環滁皆好山  
我行攬秀色遠見瑯琊顏輕輶搖短夢兀兀句愈慳  
緬懷諸老翁遊戲超人寰荒城偶一顧文藻貽榛菅

至今股肱郡介在江淮間遙遙望不及飛鳥空中還

茲山瑯琊古剎

立於高爽前風晴金碧陳日璉

東莞人

開化古蘭若乃在瑯琊山樓閣倚霄漢丹碧炫岩巒  
鐘聲度幽壑幡影落空潭昔聞琛粲翁巢居白雲端  
折葵事清齋煮苓供晚餐冥坐悟禪秘不知芳歲闌

知遊瑯琊開化寺

千丈巖靈巖軒前讀人萬卷

夙志抱冲澹豈爲塵事縈茲辰屬休暇况與文彥并  
聯鑪度芳甸飛蓋指岩扃玉樹交左右瓊泉寫琤琤  
悠悠祥風至冉冉慶雲生蓬萊天咫尺瞻望有餘情

其二

山曉雲生  
雲霞卷  
卷舒泉石  
卧知

環滁皆名山瑯琊擅幽勝雲霞紛卷舒泉石在相映  
維時春載陽日出天宇靜禪宮凌紫霄瑯琊度鐘磬  
逍遙者誰子抱琴候蘿逕相逢共忘言頗領此時興  
風去其三

峨峨瑯琊山拔地幾千丈坤靈毓神秀景態日萬狀  
金碧粲晴巒芙蓉開疊嶂于時喜躋攀倏至飛鳥上  
天姥如何睇匡廬遙相望長歌招安期臨風復惆悵

其四

茲山信靈異地位復高爽清風韻金鐸晴日麗銀榜  
鶴歸幽林蓮魚躍寒潭響娟娟紫蘭秀曄曄玉芝長

尙羊極幽討足愜平生想抽思託毫素方期重來賞

瑯琊山中送蔡希顏二首

有序

王守仁

餘姚人

正德癸酉冬希顏赴南宮試訪予滁陽遂留閱歲  
既而東歸問其故辭以疾希顏與予論學瑯琊之  
間於斯道既釋然矣別之以詩

風雪蔽曠野百鳥凍不翻孤鴻亦何事噉噉遡寒雲  
豈伊稻粱計獨往求其羣之子眇萬鍾就我滁水濱  
野寺同遊請春山共攀援鳥鳴幽谷曙伐木西澗曛  
清夜湛玄思晴窗玩奇文寂景賞新悟微言欣有聞  
寥寥絕代下此意冀可論

其二

羣鳥喧北林黃鵠獨南逝北林豈無枝羅弋苦難避  
之子丹霞姿辭我雲門去山空響流泉路僻迷深樹  
長谷何盤紆紫芝春可茹求志慙栖巖避喧寧遯世  
繫予辱風塵送子媿雲霧匡時已無術希聖徒有慕  
倘入陽明峯爲尋舊棲處

過滁感舊作

湛若水

增城人

遵塗出滁陽望望瑯琊山昔日陽明子相期共躋攀  
寂寞臥山房共話儒釋言何期廿載下復此同諸賢  
俛懷豐樂地壯心與盤桓冥搜醉翁處窺潭有龍蟠

醉翁醉亦得龍蟠不可干

四丈瑯琊寺

馬攷上蔡

白藏躋瑯琊瑯峻且玄崎嶇石徑斜輕袂一何翩  
忽忽臨絕巘邈如升雲煙極目仰太空矯首俯平川  
遠岫吐華霧懸崖瀉鳴泉藤蘿被曲阿松柏蔭脩巔  
西風振落木玄雲翳高阮而我耽泉石對酒何悠然  
聊此避囂塵雲臥良所便靜聽幽鳥鳴坐看寒雁旋  
披襟一以眺佳境亦忘言興盡肇言歸天低秋月懸  
白雲登瑯琊絕頂

章煥

長洲人

振衣陟崇巘獨立萬仞岡一舉睹紆曲四顧臨大荒

吳楚但一瞬江漢聲湯湯羣峯從西來忽復東南翔  
白雲隱玉京髣髴見帝鄉鍾阜表天闕二陵鬱相  
望而北有高山五色如芒碭粉榆在湯沐指點識濠  
梁艱難數王業拮据何劬勦倉卒滹沱河乃見淮泗  
傍旌旗在眼中鐵馬猶嘶揚風雨櫛沐餘帝跡滿  
舊疆神靈在原廟千秋奉烝嘗衣冠每出遊熠熠有  
景光人生非曠觀壯志何由償一朝見河洛禹功安  
可忘繹思頌文武欲歌喬嶽章崑崙聳大柱鰲極定  
四方尙懷補天意舉手捫穹蒼挾雲見織女終日虛  
七襄嗟哉黃鵠心悠悠故難量行矣適瑤圃晞髮於

扶桑

再登瑯琊絕頂

前韻人

晨登瑯琊山石屏  
訇然開攀蘿登絕頂  
海嶠披仙臺  
明燈照綺牖  
金鎖生莓苔  
縹緲碧霞君  
冉冉雲中來  
玉女捧芝蓋  
羽節紛徘徊  
授我碧霞丹  
飲我碧霞盃  
因之啟關鑰  
玉顏駐大藥  
令我心骨清  
神遊見寥廓  
層巒如疊浪  
一前復一却  
南馳大江濱  
煙水相噴薄  
了見江上山  
芙蓉青天削  
明霞出水際  
空中起樓閣  
我欲從之遊  
一覩寰中樂  
忽爾清籟生  
松風吹萬壑  
山頭千葉桃  
其花何灼灼  
洞口白雲歸  
羣象各有託

我亦歸去來一跨青田鶴

歸雲操

有引

前人

省中有孤鶴集于池亭低首俛啄不忘凌霄之意  
予甚憐之近忽傷其左膝終焉爲瘞之瑯琊山歸  
雲洞中自後清霄月出獨行中庭四顧悄悄不聞  
其聲因援琴撫絃而歌歌曰  
有鳥有鳥兮縞衣玄裳宛頸獨宿兮羈棲徬徨臨池  
照影兮含情內傷中宵警露兮激其圓吭仰天清唳  
兮志在高翔欲飛不得兮毛羽摧戕驚飈橫擊兮哀  
哉淪亡我獨感此兮思之不忘瘞之青山兮白雲爲

藏魂飛飄飄兮返其故鄉崑崙玄圃兮付之冥茫

遊瑯琊寺

王以旂

江寧人

仲春風日好隨步訪瑯琊照面雲峯聳穿山石徑斜

巉巖蹲虎豹藤樹掛龍蛇故壘悲前代

晉瑯琊王纂官於此避暑

懸崖寄佛家荒烟臺殿廢野竹洞門遮谷靜聞啼鳥  
岑高駐落霞浮雲連樹暗靜地出泉嘉磴引諸天近  
風生兩腋賒花香潛度澗草色半侵車吏隱叨恩賜  
奇觀此足跨

遊瑯琊寺

楊之亨

華亭人

山郭春已深郊原雨常足會此天氣佳言戾山之曲

東風遞微和樹杪鳴初旭大寮二三人臭味同蘭玉  
古洞挹芳泉廣宇流清曠幽禽入樹鳴細草緣溪綠  
撫茲百物新爰悼四時促人生貴自適何事成拘束  
偶輟吳門畊羌殉五斗粟顧影私自憐浩歌嘆黃鵠

琅琊寺

石 棣

滁州人

西峯最高處眺興偏佳好鳥鳴雲際晴霞棲洞厓  
勝遊陪上客絕境冠南淮林壑春姿媚壺觴樂事皆  
風流欽往哲仰止屬吾儕移席荒祠畔行吟碧澗涯  
頓令塵意息一醉暢餘懷

春日同古泉古橋二公遊琅琊寺晚歸賦此

王鶴

長安人

地僻靜塵囂官間荷  
聖朝林泉探佳勝休沐共招  
搖氣淑鶯初嚙風和馬正驕  
板橋臨波口木屐上山  
腰積翠峯巒合鳴湍澗壑遙  
濯纓清玉迸倚杖白雲  
飄供饌非重味傳觴但一瓢  
尋眞參佛老忘世話漁  
樵代謝悲今古遨遊徹暮朝  
層岑日返照崎路夜旋  
鑣星影欲聯絡鐘聲漸寂寥  
傳呼驚宿鳥列炬避山  
魑俗慮從今釋閒情自此陶  
歐蘇風韻在應不媿高  
標

次韻

孟津

潁州人

瑯琊古名刹流芳自晉朝荒城猶錯落古塔尙消搖  
庶子泉源迥菩提像緯驕光珠放佛頂飛瀑瀉山腰  
攀躋梯蹬杳登臨景色遙鳥啼春谷應花發野香飄  
翠岫烟籠蓋高松露滴瓢雲歸巖穴暝僧在暮山樵  
唳月聞猿夕嘲風聽雀朝虎谿懷遠嘯鶴舄憶高鑣  
林壑誇深秀香燈嘆寂寥亭幽三益備道勝百魔消  
我亦探奇侶思君久鬱陶勝遊驚雅什蕪藻謝清標

遊瑯琊山寺

劉節

大庾人

徑盤嵒麓折寺倚石門開上界諸天靜初冬獨客來  
寒泉分細澗霜葉掃荒臺轉磴聞鐘磬看碑剔蘚苔